

Zaštićeno prijavljivanje može biti interno i eksterno.

Interno prijavljivanje se obavlja na način uređen internim aktom institucije. Ukoliko interni akti ne postoje, ili postupak internog prijavljivanja nije poznat, ili prijavitelj ima razloga da vjeruje da se lice kojem treba da prijavi korupciju po internom aktu dovodi direktno ili indirektno u vezu sa koruptivnom radnjom, prijavitelj se treba obratiti APIK-u za dodjeljivanje statusa uzbunjivača.

Ukoliko je korupcija prijavljena direktno organu nadležnom za provođenje krivične istrage i gonjenje počinitelja krivičnih djela ili APIK-u, te istovremeno i javnosti, onda je to eksterno prijavljivanje korupcije.

Kako dobiti status uzbunjivača/zviždača?

APIK će, na osnovu prijave uzbunjivača podnesene u dobroj vjeri, dodijeliti status uzbunjivača licu u roku 30 dana od dana obraćanja APIK-u za dodjelu statusa uzbunjivača, bez obzira na to da li su štetne mjere nastupile ili se samo sumnja da bi se one mogle desiti.

Prijavitelj korupcije **se neće smatrati materijalno, krivično ili disciplinski odgovornim za otkrivanje poslovne tajne** u slučaju prijavljivanja korupcije nadležnom autoritetu.

☎ 0800 54321

Otvorimo oči, budimo hrabri, prijavimo korupciju!

Izvor: Istraživanje koje su proveli Agencija za prevenciju korupcije i koordinaciju borbe protiv korupcije (APIK) i Generalni sekretarijat Vijeća ministara BiH, septembar 2018. godine.

Za sve dodatne informacije o prijavljivanju korupcije i mehanizmima zaštite kontaktirajte APIK

Besplatna telefonska linija 0800 54321
e-mail: prijavakorupcije@apik.ba

Adresa: Dabrobosanska 26-28
71123, Istočno Sarajevo
Bosna i Hercegovina

Ne zaboravite, štiti vas Zakon o zaštiti lica koja prijavljuju korupciju u institucijama BiH!


Za više informacija o Zakonu o zaštiti lica koja prijavljuju korupciju u institucijama Bosne i Hercegovine posjetite www.apik.ba

Ne dozvolimo da se **korupcija i njeni javni oblici prihvataju kao društvena vrijednost!**

**Budi hrabar,
prijavi korupciju!!!**

BUDI PROMJENA
KOJU ŽELIŠ VIDJETI

**Ohrabri se,
prijavi korupciju!**



Korupcija je svaka zloupotreba moći povjerene javnom službeniku ili licu na političkom položaju koja može dovesti do privatne koristi, te izaziva političke, ekonomske, socijalne i sigurnosne posljedice u bosanskohercegovačkom društvu.

Osnovne prepreke za prijavu korupcije su, prema rezultatima istraživanja koje su unutar institucija na nivou BiH proveli Agencija za prevenciju korupcije i koordinaciju borbe protiv korupcije (APIK) i Generalni sekretarijat Vijeća ministara BiH – Služba za informiranje, **strah za ličnu sigurnost, strah od odmazde, strah od gubitka posla, korumpiranost institucija, loša zaštita „zviždača“, nedostatak dokaza, nekažnjavanje prijavitelja korupci-**



je, nepostojanje vladavine prava, nepostojanje sistema koji štiti prijavitelje korupcije.

Ko su prijavitelji korupcije?

Uzbunjivač je lice zaposleno u institucijama Bosne i Hercegovine koje zbog opravdane sumnje ili okolnosti na postojanje korupcije u bilo kojoj instituciji Bosne i Hercegovine u dobroj vjeri podnese prijavu odgovornim licima ili institucijama u skladu s Zakonom o zaštiti lica koja prijavljuju korupciju u institucijama Bosne i Hercegovine.

Šta je zaštićeno prijavljivanje?

Prijavljivanje može biti zaštićeno u sljedećim slučajevima:

- **prijavljivanje informacija** nadležnom autoritetu za koje zaposleni razumno vjeruje da predstavljaju korupciju;

- **prijavljivanje krivičnog djela** korupcije protiv odgovornog lica u institucijama;
- **podnošenje tužbe, žalbe ili prigovora** u vezi s korupcijom protiv odgovornog lica u institucijama;
- **svjedočenje na sudu** ili pred organom uprave u postupku protiv odgovornog lica u institucijama;
- **sarađivanje u postupku** koji vode istražni organi.

Poseban oblik zaštićenog prijavljivanja je javno objavljivanje, ili na drugi način činjenje javno dostupnim informacija koje ukazuju na korupciju.

Kako prijaviti korupciju?

Ukoliko ste zaposleni u institucijama Bosne i Hercegovine i imate informacije ili dokaze o postojanju korupcije, možete podnijeti prijavu zbog sumnje na ili okolnosti postojanja korupcije.

43 %

Anketiranih u institucijama BiH prijavilo bi korupciju



52,1 %

Anketiranih u institucijama BiH susrelo se sa korupcijom u institucijama BiH

